




Jumat, 28 Juli 2023

Ogen: 1 Korinti 16:19-20



Metemue



Persila ras Akuila, sada keluarga si cukup mehuli. Pindah ia i Roma nari ku Korinti, labo gelah nambahi investasi tapi erkiteken pemerintah Roma paksa e nuruh kerina kalak si tandang nadingken kota Roma. Alu mberat pusuh pindah me kalak enda ku kuta Korinti. I je ia jumpa ras Paulus si reh Tarsus nari. Mehuli kal kalak enda duana, ialo-alona Paulus tading irumahna. Perbahan seri kebeluhenna ras Paulus erbahan tenda, sisampat-sampaten ia teluna. Tupung Paulus I rumah, iraskenna erbahan tenda. Tupung Paulus lawes ku ingan-ingan si ndauh, itaruhkenna Paulus, ras-ras ia nehken berita si meriah. Biak si mehuli teridah arah perbahanen si mehuli. Metemue, e salah sada perbahanen si mehuli. Persila ngalo-ngalo Paulus 1 Korinti 16:19-20kesilang i bas rumahna e kataken metemue. La akapna sada beban di kune lit kalak tading i rumahna. Ramah, ras isikapkenna keperluan Paulus i bas erberita, atan i je nikapken nakan pangan ras keperluan si debanna.

Engkai maka kita perlu metemue? I bas kalak Jahudi temue e e me perwakilan Dibata si reh ku jabuna. Tupung si alo-alo ras si sikapken si mehuli man temuenta, em perbahanenta man Dibata. Payo nge, maka Abraham ersura-sura nikapken si mehulina man temuena.

Budaya kalak karo pe iajari gelah tetap metemue. Bagi pedah teman meriah i bas perjabun, adi ndarat kam bas rumahndu nari arah darat bahan kuncina. Ertina, teman meriah, perpulungen ras keluarga e bebas ku rumahta. banci i je ia kesilang piga-piga wari entah piga-piga minggu. Kerehen temue e maba pasu-pasu man si mada Jabu.

Perbahanen metemue enda uga pa pe ruluh, maba kemalemn ate, tambah teman ras kadekade. Biak metemue, perlu lalap ipebelin, arah nampati kalak si reh ku rumahta, banci saja kita enggo nampati Dibata.

Metemue e nehken keleng Ate